



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 5. Vtrum idem actus exterior poßit esse simul bonus, & malus.

---

[urn:nbn:de:hbz:466:1-72898](#)

**2. Obiectio.** Objicies Secundò, Bonitas moralis consistit in integritate omnium eorum, quæ recta ratio dicit actui debere conuenire: atqui alia est integritas eorum, quæ debent conuenire actui interno, alia quæ externo: ergo alia est bonitas actus externi, alia interni. Si alia bonitas, etiam alia est malitia: ergo actus exterior addit aliquid bonitatis vel malitiae moralis supra interiorum. Ita Scotus.

**Solutur.** Respondeo, Si loquamur de integritate quæ necessaria sit ad formalem bonitatem moris, nego minorem: Illa enim integritas, quæ requiritur ad bonitatem actus interioris, requiritur etiam ad bonitatem actus exterioris. Nam sine illâ, actus exterior non erit formaliter bonus bonitate moris. Sicut vita animæ necessaria est ad vitam corporis, cùm sit vna eademque. Si vero loquamur de bonitate obiectiva vel materiali in genere moris, sic admitto diuersam esse integritatem actus exterioris & interioris. Sed hoc non est contra nostram doctrinam, vt suprà dictum.

**3. Obiectio.** Objicies Tertiò, Quando deest facultas operis, non potest actus interior esse tam perfectus, quam ille qui efficaciter causat opus: non enim potest homo tunc habere actum absolutum, *vellem*, sed solum conditionatum, *vellem*, qui actus est imperfectus respectu alterius: ergo semper quando fit opus externum, est maius meritum vel demeritum.

**Solutur.** Respondeo Primò, Etiam si totum esset verum, hinc tamen non sequeretur, opus externum secundum se aliquid bonitatis addere; sed tantummodo actum internum esse in se perfectiore & meliorum quando opus fit.

Secundò, Si ille cui deest facultas operis, id ignoret, poterit habere actum voluntatis absolutum aquâ perfectum, atque is qui operatur; vt patet in eo qui vult dare eleemosynam, & in executione videt se carere pecunia.

**Vellem ali-**  
**quando est**  
**siam perfe-**  
**ciam**  
**hū quām**  
**volo.**

Tertiò, Eti actus, *volo*, physicè habeat aliquam perfectionem, quâ caret, *vellem*; tamen secundum affirmationem moralem, *vellem*, non est minus perfectum quam *volo*, si illud *vellem* sit tale, vt ex vi ipsius sequeretur, *volo*, & opus ipsum posita operis facultate; quia tunc, *vellem*, virtute continet, *volo*, & opus; vt suprà dictum. Quod autem hæc voluntas non exeat in actum, causa est, non imperfectio effectus interni, sed extrinsecus defectus materiae. Vnde patet, pauperem tantum posse mereri effectu eleemosynæ, quantum diutinem dando eleemosynam. Secùs est, quando quis habet facultatem operis, tunc enim, *vellem*, non est tam perfectum quam *volo*, quia ex vi ipsius non potest opus sequi. De quo vide Hugonem suprà lib. de Sacram. p. 14. c. 6.

**4. Obiectio.** Objicies Quartò, Si effectus nihil addit interiori voluntati: ergo qui tantum vult mereri quantum S. Paulus re ipsa meruit, tantumdem habebit meriti. Similiter qui tantum vell peccare quantum Antichristus, tantumdem habebit demeriti.

**Solutur.** Respondeo Negando consequentiam. Primò, Quia nos hic loquimur de actu vel effectu exteriori, id est, qui non sit actus vel effectus voluntatis: hunc enim dicimus nihil addere internæ volitioni. Secùs est si effectus vel actus volitus, sit actus internum voluntatis: hic enim addit propaniam bonitatem vel malitiam actui, quo voluntiam.

tus est; vt sit in proposito. Velle enim mereri, est velle actum voluntatis, vel aliquid quod ex illo pendeat.

Secundò, Quia h̄c comparamus actum interiorum voluntatis cum actu vel effectu, qui natus est sequi ex vi internæ volitionis. Atqui sanctitas Pauli non est nata sequi ex tali volitione, sed solum ex alijs præstantissimis virtutum actibus. Ob eamdem causam is qui optat toto affectu alere infinitos pauperes, non meretur infinitè, vt argumento quadam calculatorio videtur probari; quia opus non est tale naturâ, vt ex vi aliquius effectus sequi possit; nam vel contradictionem implicat; vel certe est omni naturæ creatæ impossibile. Sic qui optat conuertere totum mundum, non tantum meretur, quantum si re ipsa conuerteret; quia opus non est aptum sequi ex vi vnius talis effectus; sed opus est innumeris alijs bonis effectibus.

Obiectur Quintò, Si actus externus non addit houam malitiam: ergo non debet exprimi in confessione; nam tota malitia peccati satis intelligetur, si dicas te voluisse.

Respondeo Negando consequentiam. Primò, **Solutur.**

Quia totum peccatum debet explicari, ac proinde etiam opus externum, quod est pars peccati, eti materialis, & complementum voluntatis.

Secundò, Quia confessio iure diuino positivo introducta est. Vnde credendum est, eam institutam modo commodissimo & saluberrimo: talis autem est, in quo explicantur opera externa. Primò, Quia sic facilimè & breuissimè malitia voluntatis & à pœnitente explicatur, & intelligitur à Sacerdote. Secundò, Quia plebs vix potest aliter se explicare. Tertiò, Quia id sapè necessarium, vt prescribatur idoneum remedium vel restituatio, vel satisfactio; vel vt vittetur scandalum; vel vt absoluantur in censura. Quartò, Quia peccatum externum cum interno simul est maius peccatum extensiæ & turpitudi peccati in utroque simul magis cognoscitur,

## ARTICVLVS V.

### Vtrum idem actus exterior possit esse simul bonus & malus?

**P**rima Conclusio. Idem actus non potest simul esse bonus & malus. Ratio est, quia contraria non possunt esse in eodem.

Secunda Conclusio. Actus manens idem secundum esse naturæ, potest successivè esse bonus & malus; non autem si maneat idem secundum esse moris.

## DVBIVM I.

### Vtrum nullo modo fieri possit, vt idem actus exterior eodem tempore momento sit bonus & malus?

**R**atio dubitandi est in duobus casibus. Prior est, quando executio operis pendet à duabus voluntatibus, quarum altera bonam intentionem habet, altera malam: vt cum Dominus bona intentione iubet dari eleemosynam, & famulus mala intentione exequitur. Alter est, quando executio

281:

**Obiectio.**

**Cur opus**  
**externum**  
**exprimen-**  
**dum in**  
**Confessio-**  
**ne.**

**ne.**

29

30

do executio penderet ab una voluntate, median-  
tibus duabus intentionibus, alterâ bona, alterâ  
prauâ: vt si des eleemosynam ob duos fines in  
solidum; vt ob laudem humanam, & ob satisfa-  
ctionem peccatorum: hoc enim fieri posse patet  
ex dictis suprà, qu. 12. art. 3.

*Idem actus exterior pendens à duabus vo- luntatibus, potest simul esse bonus & malus.*

Respondeo & Dico Primò, In priore casu idem actus exterior simul est bonus & malus, me-  
ritorius vitæ æternæ, & mortis æternæ.

Probatur, Quia illa largitio, vt est actus Do-  
mini, est meritoria; proficiuntur enim ex bona  
intentione; neque Dominus ei aliquid apponit,  
quod meritum impedit. Ut verò est actio fa-  
muli, est demeritoria; facit enim illam morti-  
ferâ intentione, vti suppono.

Respondent quidam; illam actionem non esse  
moralem respectu Domini, sed solum respectu  
famuli; proinde Dominum non mereri per illam,  
sed solum per imperium quo iubet illam fieri,  
quia non est in potestate Domini nisi remotè.

Sed contrà, Is qui mandat, propriè est causa  
moralis effectus secuti; vnde in utroque foro in-  
currit penas iuris, non secūs, ac si per se fecisset. Nec refert, quod effectus non sit immediate in  
eius potestate: quia dum quis occidit sagittâ, ef-  
fectus non est immediate in sagittarij potestate;  
tamen occasio illa propriè est opus eius, ac pecca-  
tum. Pari modo dum quis per famulum agit;  
imperio enim suo ei veluti impetum quemdam ad opus imprimet, ex quo moraliter sequitur ope-  
ratio; sicut sagittarius imprimet sagittâ impetum,  
ex quo sequitur motus & percussio.

Dices, Contraria non possunt esse in eodem:  
atqui bonum & malum sunt contraria.

Respondeo, Non posse esse in eodem respectu  
eiusdem, sed bene respectu diuersorum; sicut si-  
milis, dissimile; æquale, inæquale; bonum enim & malum dicunt relationem sicut simile & dissi-  
mili; quod enim vni bonum, est alteri malum.  
Addo, bonitatem & malitiam non esse in actu  
exteriore intrinsecè vel immediate, sed solum per  
denominationem extrinsecam, à diuersis actibus  
interioribus.

Dico Secundò, In altero casu probabilius vi-  
detur, idem opus externum non esse simul bo-  
num & malum, sed absolute malum.

Probatur; Quia vt actus dicatur bonus, nihil  
debet habere mali respectu subiecti cui bonus  
dicitur: Bonum enim est ex integra causa. Atqui  
talis actus exterior habet aliquid mali, scilicet  
quod procedat ex intentione vanæ gloriae in cā-  
dem voluntate: ergo non est bonus.

Dices, Iste actus procedit etiam ex bona in-  
tentione.

Respondeo, Hinc tantum sequi esse bonum  
secundum quid, seu vt præcisè ab illa intentione  
penderet; non autem esse bonum absolute. Et ra-  
tio est, quia bona intentio interior, non potest  
opus externum facere simpliciter bonum respec-  
tu operantis, si ipse operans vel per negligen-  
tiam, vel per prauam aliam intentionem illam  
contaminet: Nam hoc ipso velut maculam con-  
trahit, quæ impedit ne bona intentio ipsum ab-  
solutè bonum & pulchrum reddat. Secus res ha-  
bet, quando opus à diuersis voluntatibus pro-  
cedit; tunc enim is qui facit opus bona intentio-  
ne, non apponit ei labem per malam intentio-  
nem, vti supposimus.

*Idem actus exterior pendens ab una vo- luntate mediante duplice in- tentione, una bona altera ma- la, est ab- solutè malus.*

Hinc sequitur, idem opus externum non es-  
timul meritoriu & demeritoriu; quia eti in bona  
intentione sit meritum, hoc tamen non potest  
operi externo communicari, cō quod per infec-  
tionem quam trahit à mala intentione, redda-  
tur incapax.

Dixi, esse probabilitus, quia contrarium etiam est  
probabile, vt docet Almainus tract. I. Moral. cap. 12. Adam in fine 2. Sent. dub. vlt. Medina  
hoc loco, & alij quidam. Ratio est; quia opus  
externum procedens ex duabus intentionibus,  
esti physicè sit unum; tamen moraliter est du-  
plex; vtpote duplice intentione informatum;  
& ita mirum videri non debet, si simul sit bo-  
num & malum; meritorium & demeritorium;  
præsertim cū hæc solum per denominationem  
extrinsecam ei conueniant.

Dices: ergo idem in eodem opere poterit si-  
mul mereri vitam æternam, & damnationem.

Respondeo Negando consequentiam. Repu-  
gnat enim vt hac simul fiant, non solum eodem  
actu, sed etiam diuersis; quia repugnat vt idem  
subiectum operans sit dignum vitâ æternâ, &  
morte æternâ. At non repugnat vt idem operans  
dignus sit vitâ æternâ, & pœnâ temporali; vt sit  
in statu gratiae, & peccati venialis. Nihil ergo  
incommodi, si concedamus hominem eodem  
opere externo propter diuersas intentiones  
mereri simul vitam æternam, & peccare venialiter.  
Hoc enim meritum immediate conuenit intentioni-  
bus; mediatè verò & extrinseca denomina-  
tione operibus externis.

Dico Tertiò, Idem opus externum potest suc-  
cessuè esse bonum, & malum; meritorium vitæ  
æternæ, & mortis æternæ. Est communis senten-  
cia Doctorum.

Probatur Primò, Quia quavis externa ope-  
ratio successiva, potest inchoari bona intentione,  
& sic erit meritoria; & paulò post continuari  
mala intentione; & tunc incipit esse demeritoria;  
erit tamen vna & eadem actio continua, quam-  
uis secundum aliam partem futura sit bona, se-  
cundum aliam, mala.

Secundò, Idem probatur de actione indi-  
sibili, quæ non habet partem post partem; quia  
fieri potest vt eadem consideratio intellectus,  
imaginationis, oculorum, primò fiat bona in-  
tentione; deinde mala intentione continetur,  
nulla facta mutatione in ipsa consideratione: Vt  
si cogites de materia turpi, initio quidem animo  
iuandi proximi, postea animo te oblectandi.

### D V B I V M. I I.

Vtrum idem actus internus possit esse simul bo-  
num & malus?

Q Vidam Parisienses affirmant teste Almai-  
no, tract. I. c. 12. Et probant Primò, Ex Quidam  
voluntate mentiendi obstetricum ad saluandos  
infantes Hebreorum. Exodi 1. Secundò, Quia  
potest aliquid eligi ob duos fines, alterū bonum,  
alterum prauum: atqui talis electio simul est  
bona & mala. Tertiò, Quia potest quis velle  
temperatè comedere eo tempore, quo est contra  
votum: atqui hæc voluntas videtur bona, quia  
tendit in bonum temperatæ; & praua, quia est  
contra votum.

Respondeo,

142 Qu. 20. De bonit. & malit. actuum exteriorum. Art. 6. Dub. 2. 3.

Degatur.

Respondeo, fieri nullo modo posse ut idem numero actus interior voluntatis simul sit bonus & malus, meritorius & demeritorius. Est communis sententia Doctorum, & probat Gregorius in 2. d. 28. & Almainus supra.

Probatur Primo, Quia actus interior non dicitur bonus vel malus denominatione extrinseca ab alio actu, sicut exterior; sed per se & immediatae: atqui fieri nequit, vt per se sit conformis rectiorationi, & simul eidem repugnet: ergo, &c.

Secundo, Vt actus interior secundum se sit bonus, oportet ut nihil habeat mali: implicat ergo ut secundum se sit bonus & malus.

Ad primam rationem. In obstetricibus illis erat duplex voluntas, scilicet saluandi infantes, que voluntas proficierebatur ex timore Dei, & erat bona; etiamque Dominus mercede temporali compensauit: & mentiendi, vt euaderent peccatum violatae iussionis regie: haec fortassis erat mala.

Dico fortassis; quia probabile est, illas mentiendo non peccasse, quod putarent errore inculpato id esse licitum in tam graui causa. Quod etiam in Rahab, Iudith, multisque alijs veteris Testamenti videtur locum habuisse. Si enim viri doctissimi putarunt aliquando esse licitum mentiri, quanto facilius id homines simplices absque culpa existimare potuerunt?

Ad secundam rationem. Dum aliquid ob duos fines seorsim eligitur, est duplex electio: altera bona, altera mala; vt patet ex dictis q. 12. a. 3.

Ad tertiam rationem. Illa voluntas temperante comedendi, est prava, quia est contra votum; nec vlo modo est bona, cum per se & immediatae mala sit. Neque verum est, eam tendere in obiectum honestum; quia opus externum cum suis circumstantijs non est honestum. Et quamvis omnes positiua circumstantiae virtutis temperantiae adfint, hoc tamen satis non est ad bonum temperantiae: requirit enim vt non adsit etiam vlla circumstantia contra aliam virtutem, que bonum temperantiae in opere impedit. Et ratio est, quia omne opus virtutis debet eo modo quo fit in re, esse consentaneum rectae rationi. Vnde omnis circumstantia que facit, vt opus sit contra rectam rationem, ad quodcumque illa virtutum pertineat, facit vt non sit opus virtutis, sed vitii.

D V B I V M    I I I .

Vtrum idem actus interior voluntatis possit successuè esse bonus & malus?

36  
Durandus  
affirmat.

Caiet.  
Medina.

Maior.

D Vrandus in 2. d. 40. q. 3. nu. 4. affirmit. Adferit exemplum in eo qui vult celebrare Missam, & continuat illam volitionem superueniente interdicto: haec enim volatio ante interdictum, est bona, post interdictum, est mala. Idem docet Caiet, hoc loco, & Medina supra, q. 19. art. 1. Et quæst. 18. art. 9. ait; Certissimum est, quod omnis bona operatio, etiam dilectio Dei, potest esse mala per appositionem alicuius circumstantiae. Idem docet Maior in 3. d. 37. quæst. 8. de omni actu bono: putat enim, Deum posse prohibere etiam ipsum amorem Dei, & ita amorem Dei posse fieri malum.

Respondeo & Dico Primo. Verius omnino, esse, eundem actum interiorum voluntatis non

posse successuè esse bonum & malum formaliter. Idem actus  
internus  
voluntatis  
qui 1. art. 1. cor. 2. Conradus in hunc art. qui non potest  
id probat ex D. Thoma.

Probatur Primo, Quia si actus virtutis posset esse malus, possemus virtute male vti; Nam virtus esset principium eliciens pravae operationis: Occam.  
atqui virtus talis est naturæ, vt nemo cā male vti  
possit: vt docet D. Thomas infra, q. 56. art. 4. ex Cora-  
dus.  
Augustino, & consentiunt passim Theologi,  
& Philosophi.

Secundo, Sequeretur Deum auxilio speciali gratia, & virtutibus infusis ad actus peccatorum cooperari: imo propriè esse causam multorum peccatorum, & ad ea excitare; sicuti propriè est peccatorum operum bonorum, & ad ea excitat. Quærum  
omnia à veritate sunt aliena, & repugnant Con-  
cilio Trid. Sess. 6. c. 6.

Hoc sequi probatur Primo, Quia si ille actus manet idem specie & numero, nec accipit villam intrinsecam mutationem (vt supponimus:) ergo quando erit malus, pendebit ab ipsiusdem causis, à quibus pendebat initio, cum esset bonus: atqui initio pendebat ab auxilio diuino tamquam à propria causa: ergo & postea pendebit ab eodem auxilio. Secundo, Quia si potest initio elici bonus & postea fieri malus, etiam potest initio elici malus, & postea fieri bonus, vt manifeste patet exemplo Durandi: potest enim quis velle celebre tempore interdicti, & continuare illam voluntatem interdicto reuocato: atqui tunc Deus per auxilium gratia, non minus est causa illius actus, quam si esset bonus (est enim actus supernalis:) ergo non minus propriè erit causa actus mali quam boni.

Tertiò Probatur à priori. Obiectum tribuens speciem bonæ volitioni, est bonum honestum, non quoquis modo, sed prudenti iudicio propossum: ergo si haec propositio mutetur, & designat esse prudens, non manebit idem specie actus. Patet consequentia, quia mutato obiecto vel propositione necessariè, mutatur actus. Antecedens probatur, quia aliqui si quis imprudenter & ex ignorantia crassa vel affectata iudicaret aliquid esse honestum, Deoque gratum, illudque vellet; illa volitio esset eiusdem speciei, atque volitio eius, quod verè honestum est. Et ita zelus ille Iudeorum, quo zelabant pro lege sua, persequentes Christum & Apostolos, esset eiusdem omnino speciei & virtutis, cuius est zelus Catholicorum in hæreticos & blasphemos; & consequenter esset actus charitatis vel religionis, quod planè falsum est. Confirmatur, quia actus charitatis habet suam speciem ab obiecto non nudè considerato, sed vt ab intellectu proponitur & applicatur: atqui longè aliter applicatur iudicio prudenti, aliter imprudenti (iudicium enim prudens est cuius & certum, imprudens est obscurum & incertum:) ergo haec iudicia efficiunt diuersitatem specificam in actibus voluntatis.

Dices, hanc sententiam non habere locum in actibus supernaturalibus, sed solum in naturalibus.

Sed contrà. Primo, Hoc est contrà mentem illorum auctorum: nam ponunt exemplum in voluntate celebrandi sacri, quæ voluntas est actus supernaturalis religionis. Secundo, Ratio cur putent cundem actum naturalem successuè esse posse bonum

37  
Trident.

Prob.  
à Priori.

Differen-  
tia inter  
zelum Iu-  
deorum in  
Christum,  
& Cathe-  
licorum in  
hæreticos

se bonum & malum, etiam locum habet in actu supernaturali: sicut enim honestum naturale potest initio proponi prudenter, postea mutata circumstancia imprudenter; ita etiam honestum supernaturale: neque ullum hac in re videtur esse dicrimum inter actus naturales & supernaturales: & tamen hoc est totum fundamentum, cur putent eamdem voluntatem posse successivè esse bonam & malam.

Ad exemplum Durandi, Respondeo, Voluntas celebrandi ante tempus interdicti, est per se & intrinsecè bona, id est, conformis recta rationi; quia tendit in obiectum honestum prudenter propositionis, quod est, celebrare hoc tempore, quo nulla est interdicti suspicio: quando autem superuenit interdictum, tunc is qui volebat celebrare, vel illud aliquo modo nouit, vel non nouit. Si nullo modo nouit, voluntas eius continua manet bona: si vero aliquo modo nouit, ita ut habeat saltem rationem de eo dubitandi, non potest illa prior voluntas eadem numero continuari: quia etiè possit persistere in volendo eadem opere quod ante volebat; tamen ratio volendi non est eadem, quæ erat ante: si enim dubitat an sit interdictum, non potest iudicare esse bonum & Deo gratum, ut celebret; ac proinde non potest ob hanc causam velle celebrare: unde non potest prior voluntas continuari.

Dices, Potest illud dubium reijsere. Respondeo, Non potest prudenter reijsere, ac proinde non poterit prudenter iudicare esse bonum tunc celebrare. Iudicium igitur necessarium mutatur ex prudenter, in imprudens; ex cuius & certo, in obscurum & incertum: vnde non est mirum, si etiam volitio muretur, quamvis eadem esse videatur; nam virtus sèpè virtutibus sunt similia.

Dices Secundò, Non est opus iudicio quo iudicet esse honestum tunc celebrare; sufficit enim apprehensio, qua illud instar honesti apprehendat.

Respondeo Negando sufficere apprehensionem, nisi implicitè includat iudicium prudens. Alioquin Iudei apprehendentes animo occisionem Apostolorum esse Deo gratam, potuerint illam velle vero actu supernaturali charitatis aut religionis: quodd constat esse falsum.

Ad rationem Maioris. Nullo modo potest Deus amorem sui prohibere. Primò, Quia quodd homo supposita nature humanæ existentia te-

neatur Deum diligere, non pendet ex libera Dei voluntate, sed ex ipsa essentiali conditione naturæ humanæ, & excellentiæ diuinae; quatenus obiectum prior est omni voluntate libera: ergo non potest illo modo tolli per voluntatem Dei liberam. Consequentia patet, quia quod nullo modo à libera Dei voluntate penderet, non potest per eam tolli. Secundò, si prohiberet sui amorem, esset sibi contrarius; adimeret enim sibi dignitatem summi boni: sicut si vetaret ne quis ipsi crederet, adimeret sibi laudem primæ veritatis.

Aduerte tamen, fieri posse aliquo casu, ut homini non licet intendere amoris diuino in se exceptando; vt si per hoc negligeretur aliquid opus preceptum: vt si esset aliquis moriturus sine confessione, vel sufficienti fidei instructione. Verum tunc, si quis vellet amare, neglecto illo opere, non esset verus amor Dei super omnia; quia hic includit omnium praceptorum observationem, neque potest cum peccato mortali, quod tunc committitur, confistere; sed esset affectus a mori similis.

Dico Secundò, Idem tamen actus interior voluntatis potest esse indifferens & malus successivè; Vt si quis feria quinta sub horam duodecimam noctis velit comedere carnes ob delectationem vel naturæ commodum; & continuet hanc voluntatem post duodecimam ob eundem finem. Haec voluntas ante duodecimam erit indifferens, post duodecimam erit mala. Posse autem hanc voluntatem continuari eadem numero; patet; quia est idem obiectum, & eadem ratio appetendi ante & post duodecimam. Confirmatur, quia idem obiectum potest fieri ex indifferenti malum, fine illa sui mutatione, solo temporis lapsu adducentis prohibitionem; manente eadem ratione appetendi.

Dico Tertiò, Idem actus interior ex indifferenti non potest fieri bonus successivè. Ratio est; quia etiè possit esse idem obiectum materiale voluntatis indifferenter & voluntatis bona; tamen non potest esse eadem ratio volendi: nam ratio volendi in voluntate bona, est honestum; in voluntate indifferenter, est delectabile vel commodum naturæ. Potest tamen esse idem obiectum & eadem ratio volendi, in voluntate indifferenter & in voluntate prava; vt patet ex dictis: quia ratio volendi in voluntate prava; potest esse aliquod bonum per se indifferens.